

Na osnovu člana 106. Zakona o visokom obrazovanju („Službene novine Kantona Sarajevo“, broj: 36/22), člana 129. Statuta Univerziteta u Sarajevu, člana 16. Pravila studiranja za treći ciklus studija na Univerzitetu u Sarajevu – doktorski studij broj: 01-4-9-1/24 od 28.2.2024. godine, Odluke Senata Univerziteta u Sarajevu o saglasnosti na studijski program trećeg ciklusa studija - doktorskog studija Univerziteta u Sarajevu - Fakulteta za kriminalistiku, kriminologiju i sigurnosne studije broj: 01-7-70/22 od 25.5.2022. godine, Odluke Vijeća Univerziteta u Sarajevu - Fakulteta za kriminalistiku, kriminologiju i sigurnosne studije broj: 03-02-2075/24 od 14.05.2024. godine i Odluke Senata Univerziteta u Sarajevu o davanju saglasnosti za raspisivanje javnog konkursa broj: 01-9-85/24 od 29.5.2024. godine, Univerzitet u Sarajevu - Fakultet za kriminalistiku, kriminologiju i sigurnosne studije, **objavljuje**

## K O N K U R S

za upis studenata na **TREĆI CIKLUS STUDIJA - DOKTORSKI STUDIJ** na Univerzitetu u Sarajevu - Fakultetu za kriminalistiku, kriminologiju i sigurnosne studije u studijskoj 2024/2025. godini

### I

Konkurs se raspisuje za upis studenata na treći ciklus studija – doktorski studij koji se organizuje za naučne oblasti studija kako slijedi:

- **Kriminalistika** 10 kandidata
- **Kriminologija** 10 kandidata
- **Sigurnosne studije** 10 kandidata

Studij se organizuje u trajanju od tri studijske godine, a njegovim završetkom stiče se akademska titula i naučno zvanje:

- **Doktor kriminalističkih nauka/znanosti (180 ECTS)**
- **Doktor kriminoloških nauka/znanosti (180 ECTS)**
- **Doktor sigurnosnih nauka/znanosti (180 ECTS)**

### II

Na konkurs se mogu prijaviti sljedeći kandidati:

1. Kandidati koji su stekli diplomu drugog ciklusa studija ili ekvivalenta i akademsku titulu magistra kriminalistike, magistra kriminologije ili magistra sigurnosnih studija na Univerzitetu u Sarajevu - Fakultetu za kriminalistiku, kriminologiju i sigurnosne studije sa minimalnom ostvarenom prosječnom ocjenom 8,00;
2. Kandidati koji su stekli diplomu drugog ciklusa studija ili ekvivalenta i akademsku titulu magistra na drugoj akreditovanoj visokoškolskoj ustanovi u Bosni i Hercegovini sa minimalnom ostvarenom prosječnom ocjenom 8,00 ili 3,5;
3. Kandidati koji su stekli diplomu drugog ciklusa studija ili ekvivalenta i akademsku titulu magistra na drugoj akreditovanoj visokoškolskoj ustanovi u inostranstvu, a nakon provedenog postupka nostrifikacije, odnosno akademskog priznavanja inostrane visokoškolske kvalifikacije i sticanja uslova za upis na treći ciklus studija - doktorski studij u skladu sa uslovima ovog konkursa sa minimalnom ostvarenom prosječnom ocjenom 8,00 ili 3,5;
4. Kandidati koji su stekli diplomu magistra ili ekvivalenta iz društvenih i humanističkih nauka ili drugih srodnih nauka sa minimalnom ostvarenom prosječnom ocjenom 8,00 ili 3,5;
5. Kandidati koji su stekli naučni stepen magistra nauka prije uvođenja Bolonjskog sistema, kojima se priznaje 60 ECTS bodova sa minimalnom ostvarenom prosječnom ocjenom 8,00 ili 3,5;

Kandidati strani državljani prijavljuju se na konkurs pod istim uslovima kao i državljani Bosne i Hercegovine u skladu sa Zakonom o visokom obrazovanju Kantona Sarajevo i Statutom Univerziteta u Sarajevu.

Visina školarine iznosi 5.000,00 KM po godini studija.

Uz prijavu na konkurs kandidati su dužni dostaviti:

- Diplomu o završenom prethodnom obrazovanju (original)
- Uvjerenje o položenim ispitima (original)
- Izvod iz matične knjige rođenih i uvjerenje o državljanstvu
- Biografiju
- Motivaciono pismo
- Prijavni obrazac

### III

Studijski program će se organizirati kroz studiranje na daljinu - *Distance Learning* (DL) studij.

U slučaju da broj prijavljenih kandidata, koji su stekli uvjete za upis, bude veći od utvrđenog broja, izbor kandidata za upis će se vršiti na osnovu rezultata postignutih na drugom ciklusu studija.

Nakon svakog upisnog roka, prije upisa na studij, sa kandidatima će biti obavljen intervju.

### IV

Konkurs za upis na treći ciklus studija – doktorski studij će se realizovati u 3 (tri) prijavna roka i to:

1. Prvi prijavni rok: od 26.08.2024. do 24.09.2024. godine;
2. Drugi prijavni rok: od 09.10.2024. do 07.11.2024. godine;
3. Treći prijavni rok: od 25.11.2024. do 24.12.2024. godine;

U slučaju da u prvom, odnosno drugom prijavnom roku broj primljenih kandidata bude u okviru predviđenih kvota za upis, prijave kandidata u drugom, odnosno trećem prijavnom roku se neće uzimati u razmatranje.

### V

Prijave dostaviti u zatvorenoj koverti na adresu:

Univerzitet u Sarajevu - Fakultet za kriminalistiku, kriminologiju i sigurnosne studije,  
ulica Zmaja od Bosne broj 8, 71000 Sarajevo,  
sa naznakom „Prijava za upis na treći ciklus studija – doktorski studij”.

Informacije se mogu dobiti u Službi za nastavu i rad sa studentima svakim radnim danom od 09:00 do 15:00 sati na broj telefona: 033 561 208 ili putem email-a: [ecehovic@fkn.unsa.ba](mailto:ecehovic@fkn.unsa.ba).